

上海史料叢編

盤龍鎮志

上海市文物保管委員會編

一九六一年

上海史料叢編簡例

一、叢編所輯為上海地方歷史文獻資料，以稿本及旧抄本為主，包括流傳不廣的重要刊印本。

二、為了保存文獻，編輯工作僅限於對所選各著解題、書跋、斷句或分段，間作必要的按語之外，概不進行注釋、考訂、校勘及增補工作。

三、排印用簡體字。其中有些是代用字類，如「徵」之于「征」、「廠」之于「厂」等，則改採繁體字，以免昔今異義。

一九六一年七月上海市文物保管委員會

盘龙鎮志目录

自序

凡例

鎮巷

物产

水利下

官署

寺庙

坊匾

人物上

列女

艺文下

风俗

水利上

田賦

义局

桥梁

科目

人物下

艺文上

杂志

自序

古者二十五家爲閭。閭胥書其敬敏任卹。五百家爲黨。黨正書其德行道藝。皆所以獎勵片隅。進斯人於上。理也。後世此法不行。凡一二操觚之士踳伏鄉里。竊見其地風俗之醇漓。人心之邪正。與夫戶口生齒之盛衰。賦稅徭役之輕重。下逮田疇水利之利病。禾麻物產之盈虛。往往採取所有。變通古例而爲志。然撫拾不根則失之蕪。闕軼有間則失之陋。故志無大小。事貴核實。言取足徵。一統志猶是也。郡縣志猶是也。卽村鎮志亦猶是也。吾邑有志。創於王學使洪洲。續於諸進士乾一。迨王方伯述庵重加修輯。而志以大成。特其時采錄詳於西北。略於東南。吾鄉事實不無遺漏。迄今相距又九十餘年矣。加以兵燹頻仍。散佚更不知凡幾。網羅萬一。非志奚凭。則志願可緩乎。釐不揣樛昧。卽此數十里中。凡士習民風。田功水利。桥梁第宅。寺廟村落。古蹟名墓。碑碣藝文之類。悉心采考。彙爲一編。夫以空疏無術之人。居鄉曲彈丸之地。而又當文獻殆盡之餘。欲臚列詳明。信今傳後。力自知其不逮。然併吾身所得於聞見者。而亦任其散失無傳。咎將誰屬。則爰凡起例。用示來茲。是志亦曷可少哉。光緒紀極之年。歲次乙亥元旦。守拙生金惟釐書於乾惕居。

凡例

一鎮隸青浦縣東鄙。從前沿革变迁。多历年所。凡其間掌故。未免有文獻無徵之憾。今虽草創采輯。而見聞固陋。闕佚良多。尙冀後來君子匡予不逮。

一志以水道为界。東則橫瀝小涑。南則蒲溪橫泖。西則崧塘。北則虬江。其中为保二。为區七。为圖二十八。東西廣二十餘里。南北徑二十里。所有采輯。不逾其限。

一采風聞俗。最重忠孝賢良。其次文学艺能。亦所不廢。故人物中兼收並采。惟是彈丸叢爾。鍾毓無多。苟有一节可嘉。卽行采入。其例從寬。識者諒之。

一人物部中。諸翟侯氏一門。忠孝文学。彪炳非常。考其籍貫。則隸嘉定。然宗祠墳墓。間有在邑境者。夫愛其人者。及其屋上之烏。况先賢灵爽式凭。豈敢略而弗載。是志做世家例。別为一篇。登諸卷首。一义举为地方要务。若善堂乡約惜字貸粟等事。有关教养者。皆一例載入。至咸同間設立义团公局。凡义民拒賊捐軀。不可胜数。彼其忠烈之概。足以泣神鬼而励頑懦。謹將殉难巔末。及旌表年月登載。以示久远。

一列女所以闡揚貞节。維持风教。故采录居多。今按其旌表年月。序列於後。卽未經旌表者。亦书以待。

一科目之盛。多曲難言。其以甲第起家。殊屬寥寥。而青衿較多。士习为民風所係。故編特詳。

一田賦為國家正供。自當輸納踴躍。然吾鄉係瘠薄之區。居民終歲勤動。入不償出。故雖蠲租減賦。頻沐恩施。而時形憔悴。土薄民貧。良有司當曲為矜卹也。

一水利為農田根本。東鄉塘浦縱橫。大半淤淺。淫雨則氾濫四溢。稍旱則車戽無資。欲籌疏浚之功。自塘浦始。次及內港。斯旱澇無困。棉豆易為嘉禾。瘠土無非沃壤。鄭白渠成。謳歌四播。是所望於當路者。

一藝文以時代為次。其有序跋可考者。於書目後附列。若僅存其目。亦必采錄。殘編斷墨。文人心力所係。未敢略而不書。

一古蹟留貽。實關一方風景。茲志以地局偏小。凡有古蹟。分纂各門。其無可附入者。則統載雜識一門。以歸簡核。

一是志采考。始於同治九年。或稽諸載籍。或訪諸故老。兵燹之餘。援引殊難確凿。兼之館務叢集。未能壹意從事。茲虽錄出。只可備為底稿。倘有訛漏。容隨時補訂。

盘龙鎮志目录

自序

凡例

鎮巷

物产

水利下

官署

寺庙

坊匾

人物上

列女

艺文下

风俗

水利上

田賦

义局

桥梁

科目

人物下

艺文上

杂志

盘龙鎮志

里人金惟鼐圭欽纂輯

鎮巷

鎮市村巷。碁布星羅。志之以易同井友助之誼。其編次仿四正四隅例。

盤龍鎮考 國初。江甯人陳君化避難。迁居小涑聚後。又徙盤龍里。家頗饒裕。肩庠庫及布庄。标客湊集。遂成市為盤龍鎮。在三十三保一區二圖鹹字圩。跨三十四保一區東西六八圖鹹字圩。街作十字样。南北强半里。東西倍之。左枕盤龍江。中夾墅涇。旧有八景。曰。江村野店。曲水縈居。柳榆晚照。羣鳥归林。龍江古渡。溪橋漁泊。松濤夜听。洛陽佳种。今增二景。曰。古寺鳴鐘。文閣譚經。是為十景。

按自汇龙橋折而北半里許。俗名荒基角。相傳旧係盤龍鎮所在。

在東六八圖。旧邑志載。鎮為東六八圖可証。

不知始於何年。

万历間洋涇庙碑記。言庙在盤龍鎮東南。起建有千餘年。鎮与庙孰先孰后俱無攷。

宋嘉靖間。倭寇竄至。室庐被燬。市遂無存。後得君化聚集招徠。

鎮遂成於塘之西岸。

今鎮址半系寺基。知前為寺非為鎮。

諸翟鎮 本名白鶴村。相傳肇居是村者多諸翟二姓。故名。又稱諸地。以兩郡三邑交界而訛。後以村西

多紫薇花。因名紫隄。又名梓地。屬邑境者。只鶴龍橋南數十步。東為六八圖。鎮跨盤龍塘。東屬上海。北屬嘉定。康熙間里人汪永安有志四卷。侯承庆續修。咸豐六年沈葵增修。有八景詩。

七寶鎮 七寶故庵名。初在陸宝山。名陸宝庵。吳越錢武肅王以金字藏經賜僧。曰此亦一宝也。因改名七宝。後其庵三徙至此。遂以名鎮。在三十五保二区六七图三十图。左為橫瀝。中跨蒲汇塘。南街屬姜。北屬上海。里人陸元勳有志一卷。

吳家巷市 在三十五保二区一图。

杜家巷市 以杜姓得名。跨亭子涇。在三十五保一区三十一图。

徐涇鎮 起於明季。以水得名。沿涇多植槐樹。故一名槐樹村。里人趙曾显有記。在三十四保四区三图。

方家窰鎮 明萬历元年。本邑建城。分派邑人殷实者令办甄灰。里人方近耕承办。乃筑窰於三十四保二区四五图。後遂成市。因而名之。西濱崧塘。前临岑涇。嘉庆时永安桥成。易名永安。有八景。吳邦基諸联陈瓏繪图賦詩以紀之。

和睦桥市 当崧塘西岸。亦屬四五图。

陆家角市 以陆姓得名。近崧塘东岸。在三十四保二区九图。

姜家庫、庄裏、羅家巷、小涑廟、大庫、許家橋。在一區东六八圖。

相家巷、北范巷、寅村廟、池圈裏。在三十五保二區一圖。

郑家角、曹扶浜、紫葭灣、汪家巷。在二圖。

卫家角、潘家巷、丁家角、小涑橋。在三十圖。

沈家巷、打鉄橋、观音堂、唐家池。在三四圖。

橫瀝、朱家巷。在六七圖。

張同浜、陈家溪、李家車、九曲。在三十二圖。

黃泥浜、徐家巷、張家港、南范巷、南楊家角、黃揚子橋、蔣家巷。在三十四圖。

資庆庵、蔡家橋、譚巷。在三十一圖。

小涑涇橋、趙家庫、小灤林廟。在五圖。

朱方橋、馬家橋、高家橋、隱涇、滄涇。在念八九圖。

高家橋、河南念八九圖、河北七圖。

北陈家宅、柿子園、泥牆圈、洋涇廟、北楊家角、羅家灣。在三十四保四區十圖。

河涇、趙家宅、謝家角、金家街。在七圖。

沈家角、徐涇廟、南陈家宅、姜家宅、老宅。在三圖。

談涇、曹涇橋、王瓜沼、橫柳梢、劉夏。在三區六圖。

和睦橋、蔣家橋、斜涇廟、黃草浜。在二區四五圖。

打鐵橋、葉家橋、倪家角、岑涇。在二區二圖。

海日灣、迓庵橋、洋巷、王家橋、周家浜、官路浜、新涇橋、王家浜。在一區西六八圖。

崧塘橋、水潭涇、沙家村、張家宅、章家角、普江橋、封家宅、黃家巷、金家巷、臨家橋。在三十區一區二圖。

風俗

鄉村距城已遠。為士外。務农居多。風氣較為質樸。然邇年富家漸涉浮華。即貧民亦习成游惰。所當做藍田呂氏鄉約例。為訓俗型方針也。

吳郡志云。青邑民風愿慤。地局水鄉。耕織外生計鮮少。俗尚儉嗇。差胜他邑。吾鄉讀書。什中二三。凡士人身列膠庠。惟閉戶誦讀。或課徒為業。若詞訟漕規之類。罕有沾染者。故士习較正。

人家子弟。六七岁即入塾。虽村庄亦必有句讀師。凡寒素子粗識字义。即有以訓業為餬口計者。師日多而館日少。延師遂同兒戏。而後起之成才亦渺矣。

邑当澤國杭稻之區。第吾鄉东半。土地高燥。水道淤淺。多种木棉。工繁而利薄。輸官償租外。未卒岁而室已空。生計艰难可知。

上农多以牛耕。無牛者专恃人力。禾稻宜灌溉。棉豆宜芸鋤。閭門力作。时惧不逮。乾嘉間僱工。每日只需錢四五十文。寇扰後。耕佣稀少。至有給值百錢以上者。妇女饁餉外。耘穫車灌。率与男子共事。亦可謂勤於内助者矣。

俗务紡織。里嫗抱布入市。易木棉以归。明旦复然。織者率日一疋。有通宵不寐者。东乡日用所需。都從此出。

乡俗婚嫁。率多浮費。凡男家擇配有文定礼。起話有甘礼。將要有聘礼。盘中衣服环珥之屬。誇多門面。又竟取絨線纏果实。剪綵为花鳥人物。以飾觀瞻。女家行嫁。用櫥箱多少不等。間以杂物。并有以田产为匭潤者。及期两家导以鼓乐。室中張挂灯彩。款飲亲友。甚有数日不已者。汰侈無节。去古制礼之意远矣。

古人燕饗宾客。不取食品。只取礼意。今富家設席。山錯滿前。中人之家亦互相效尤。一席动費多金。財殫力瘁。职是之故。

乡間凶礼亦多繁費。入殮必延僧道。出殯亦如之。死後逢七日。富者建置道場。七七日始畢。揆諸儒家不作佛事之礼。殊屬相左。甚或焚化紙錠外。紮造房庫。并縐緞衣褥。付之一炬。暴殄天物。名为資送死者。实干冥譴。更有惑於風水。致久停不葬。尤为忍心害理也。

俗尚矯誣。凡好事者迎神賽劇。自誇豪舉。鳩財聚众。各村賽祭。引誘招搖。釀成姦竊。又或開場賭博。揮金如土。乡中物力幾何。奚堪若此消耗。甚至淫詞淫戏。敗俗伤风。有地方之責者。所当痛切懲戒也。西洋鴉片之來。毒流中国。吾乡去上海数十里。习染較便。虽小小村鎮。必有煙室。其中三五成羣。所讲無一正經語。伤財廢事。民生日形憔悴。虽有宪令禁止。然洋人尙在內地鬻販。其害未有底也。

物产

物产之類。因乎土宜。虽事极瑣屑。然儒者格致之功。亦所不廢也。

穀之屬 小秬、大秬、早白稻、中秋稻、晚白稻、香杭、早烏稻、紅蓮稻、紫芒稻、秋風糯、金釵

糯、陈糯、矮兒糯、羊鬚糯、烏鬚糯、蘆花糯、西洋糯、稌、俗名狗尾粟、黃稌、北方秋熟穀。

麥之屬 大麥、小麥、光麥、火燒麥、穠麥、蕎麥、雀麥、芝麻。

菽之屬 早黃豆、俗名毛豆。中秋豆、晚豆、青豆、茶豆、黑豆、赤豆、綠豆、蚕豆、刀豆、白扁豆、裙

帶豆、俗名豇豆。豌豆。俗名小寒。

蔬之屬 苽菜、卑雅。凌冬不凋。有松之操。故名。冬初分種。至春生莖。開黃花。夏初取子壓油。青菜、菠菜、芥菜、花芥、即蔓菁。一名諸葛菜。薺菜、莧菜、金

花菜、蒿菜、芹菜、馬兰菜、羅漢菜、蘆菔、俗名蘿蔔。以種出徐涇者為佳。茄子、俗名落酥。茺葵、韭、薤、葱、蒜、

茭白、蒿苳。

瓜匏之屬 甜瓜、冬瓜、南瓜、西瓜、金瓜、王瓜、絲瓜、壺卢。

果实之屬 櫻桃、梅、杏、桃、李、橘、柑、橙、香櫞、枣、柿、枇杷、花紅、梨、石榴、銀杏、

栗、葡萄、藕、蓮实、菱、芡实、荸薺、茨菇、山药、錦荔枝。

藥之屬 枸杞、忍冬藤、紫蘇、藿香、荊芥、艾、菖蒲、麥門冬、香附子、蛇床子、瓜蒌、牽牛、

薄荷、薏苡仁、車前子、高良薑、夏枯草、女貞子、紅蓼、漆姑、槐夾、蒼耳、當歸、俗名荷包牡丹根、稀

荳草、旱蓮草、金沸草、即旋覆花、何首烏、蒲公英、馬勃、香薷、青蒿、淡竹葉、梔子、大黃、木

香、蒲黃、桑白皮、甘菊、卷柏、土牛膝、鳳尾草、蓖麻子、槐角、五茄皮、柏子仁、杏仁、桃仁、

益母草、皂莢、天南星、地丁草、瓦松、山茨菇、金絲荷葉。

竹之屬 淡竹、扈居竹、燕竹、密竹、黃孤竹、寿星竹、觀音竹、慈孝竹、天竹。

木之屬 松、柏、桑、柘、榆、槐、棟、穀、椿、楊柳、石楠、檜、梓、皂莢、冬青、梧桐、烏

柏、檀、栲、櫟、黃楊。

花之屬 桂、玉蘭、山茶、木香、辛夷、繡球、丁香、紫薇、牡丹、芍藥、海棠、菊葵、薔薇、玫

瑰、醪醑、棣棠、郁李、玉簪、水仙、芙蓉、茉莉、菊、藍菊、萬壽菊、金錢、鳳仙、鸡冠、護

花、剪春羅、

俗名洛陽花、罌粟、虞美人、蝴蝶花、秋海棠、迎春、紫薇、白薇、紫荊花、白蘋花、長春、

杜鵑、凌霄、紫藤、西番蓮、蜘蛛、蓮、僧鞋菊、美人蕉、荷葉、蠟梅、木槿、蘭、蕙、珍珠蘭、

繡球、月季。

雜植之屬 木棉、苧麻、藍、爾雅曰藍，俗名青秧、蘆荻。

禽之屬 鸡、鵝、鴨、野鸡、野鴨、鶯、燕、鴻雁、鵠、鵲、麻雀、鵪鶉、鷓鴣、伯勞、青

鵠、黃鵠、黃雀、鷹、鷂、鸛、鴉、啄木、脊令、鷺鷥、百舌、布穀、姑惡、子規。
兽之属 牛、猪、羊、犬、貓、兔、狐、獺、獾。

水族之属 鱸魚、青魚、白魚、鯽魚、鱖魚、銀魚、黑魚、鯉魚、鰱魚、鰕魚、俗名鱖魚、蟹、蝦、蜆、蛤、蛭、蚌、鰻魚、鱔魚、岩鯉、龟、鼈。

水利上

是志所列水道。东則小涑、橫瀝。南則蒲塘、橫泖。西則崧塘。北則蚪江。为四圍幹水。而中以盘龙塘为一大幹水。其塘左諸支水。东通小涑橫瀝。塘右諸支水。西达崧塘。皆分自龙塘。源同派別。而不可遺者。後复以四隅諸小支水。足資灌溉宜洩者。俱为附录焉。

中条幹水

盘龙塘 明一統志称盘龙浦。苏州志引郊廛疏。松江南岸大浦十八。第一条曰小涑浦。第二条曰盘龙浦。嘉定志曰。在高崧塘之东。南接华亭县之崧塘。华亭志曰。自郡城东华阳桥北流。絕俞塘。过六磊塘、泗涇。絕橫塘。又过蒲汇塘。遵朱方桥以入松江。松江图經惟江口称盘龙浦。餘俱称塘。其入江处曰盘龙汇。长共八十里。上海志曰。通江諸水。旧图經以赵屯、大盈、顾会、崧子、盘龙。为五大浦。邑志曰。盘龙浦在崧子浦东。其上流曰盘龙塘。委蛇曲折。如龙之盘。故名。

按盘龙塘有南北之分。自蒲汇塘以南。为南盤龙塘。經华娄两邑境。直抵华阳桥。自蒲汇塘以北。为北盘龙塘。由邑境而嘉而上。东出吳松江。康熙初。里圩画地图曰龙江。共长二千五百五十七丈。

嘉定二千十三丈。上海五百四十四丈。闊約五丈。深約三尺。自蚪江桥折而东。至諸翟千浜止。属嘉

定。蚪江口至此。河身北半边为嘉境。南半边为邑境。自千浜以东出吳松。属上海。此指本鎮东北之盘龙塘言之也。邑志云。三十